



釋迦如來應化錄

上三

1/2  
502  
3





84  
502  
3

釋迦

釋迦如來應化錄上目錄三

布金買地	玉耶受訓
漁人求度	月光諫父
申日毒飯	佛化無惱
降伏六師	持劍害佛
佛救尼犍	初建戒壇
敷宣戒法	姨母求度
度跋陀女	再還本國



為王說法

佛留影像

度諸釋種

降伏毒龍

化諸媼女

阿難索乳

調伏醉象

張弓害佛

佛化盧志

貧公見佛

老人出家

醜女改容

布金買地

王瓶受降

釋迦如來應化錄上三



釋迦如來應化錄上三

報恩寺沙門寶成編集

布金買地

賢愚經云須達白佛言唯願如來降屈舍衛使中眾  
生除邪就正世尊告曰彼無精舍須達曰弟子能起  
願見聽許世尊默然佛勅舍利弗共往案行諸地唯  
太子祇陀園地正得其所宜起精舍須達到太子所  
白言我今欲為如來起立精舍太子園好今欲買之  
太子言汝若能以黃金布地令無空者便當相與須



達使人象負黃金八十頃中須更欲滿略欠少地太子言憊貴置之吝言不也自念金藏何者可足太子念言佛必大德能使斯人輕寶如是乃令止勿出金園地屬卿樹木屬我我自上佛共立精舍須達然之即便施工起立精舍爲佛作殿別房任止千二百人凡百二十處復自思惟上有國王應當奏知卽往白王唯願大王遣使請佛王聞已遣使請佛及僧爾時世尊放光動地至舍衛國一切大集爲說妙法宿緣所應各得道跡

玉耶受訓

玉耶經云給孤長者爲子娶婦女名玉耶不以婦禮承事公姑夫婿長者夫妻議言子婦不順唯佛能化遂請佛及僧至家皆出禮佛玉耶逃藏不肯禮佛佛卽變化令長者屋宅牆壁皆如琉璃水精之色內外相見玉耶卽出禮佛懺悔佛告玉耶不當輕慢夫婿女人身中有諸惡事初生墮地父母不喜養育無味心常畏人父母恒憂嫁財生相離別常畏夫婿產生甚難小爲父母檢錄中爲夫婿禁制老爲兒孫所向爲婦之道後卧早起執於作事凡有飲食不得先食夫婿訶罵不得嗔恨不得邪妬夫婿出外整理家務



常念夫善不念夫惡承事夫婿謙遜順命夙興夜寐  
恭恪言令口無逸言身無逸行有善推讓過則稱己  
誨訓仁慈勸進為善心端意一無有邪視直修婦節  
終無缺廢進退禮儀以和為貴玉耶白佛自今以後  
奉事公姑夫婿

漁人求度

賢愚經云爾時世尊向毗舍離城到犂越河所不遠  
而坐時捕魚人網得一魚五百人挽不能使出復喚  
牧牛人眾共二十人挽得一魚身有百頭若干種類  
驢馬駱駝虎狼猪狗猿猴狐狸如斯之形世尊往至

魚所而問魚言汝是迦毗梨不答言實是阿難白佛  
此魚何緣如是佛告阿難昔有婆羅門生一男兒名  
迦毘梨聰明博達其母問子汝本高明更有勝汝者  
否答言沙門母言何以不往學習其法奉其母教即  
往習學三藏義理悉皆通曉若共比丘談論理若短  
屈即便罵言汝等愚騃無所識別劇於畜生知曉何  
法諸百獸頭皆用比之緣是果報今受百頭魚身時  
捕魚人及牧牛人同時求佛出家佛為說法種種苦  
切漏盡結解即成沙門爾時阿難及於眾人聞佛所  
說悵然不樂悲傷交懷咸共同聲而作是言身口意



行不可不慎也

月光諫父

月光童子經云有長者申日信受小道六師不蘭迦  
葉等設計作火坑毒飯欲謀害佛其子名月光諫父  
自言佛為大聖三界之尊昔者世尊求道之日第六  
天魔見佛神聖心中煩毒念其道成必當勝我議設  
方計召其鬼兵興軍聚眾帶甲持鉞旌旗曠月光耀  
蔽天奇形異類千變萬化擔山負石口眼吐火齋聲  
吼喊向於世尊佛以慈心舉手指之羣鬼惡兵自然  
退散魔王頂禮願自歸依當時如來應時降伏彌天

之惡以為弟子魔王以須彌之毒大千之火刀劍矛  
刃不能動佛之一毛今以火坑毒飯欲害於佛譬如  
蚊蚋之勢欲墜太山蠅蝶之翅欲障日月徒自毀悴  
不如早悔首過免罪如來之身金剛德體願父改悔  
歸命世尊長者申日罪蓋所蔽心不開解告子言佛  
有神通照見未然當預知我作火坑毒飯今受吾請  
以此推之必無遠慮

申日毒飯

月光童子經云爾時世尊受申日長者請不與常同  
當放威神感動十方令於心服廣化無涯并化六師



及九千六百外道放大光明極佛境界至長者門火坑即成水池出大蓮花申日見之心動神驚惶怖悖心自念言我之逆惡所為無道顧謂六師我今如何六師恐怖慚恥即各逃竄申日作禮唯願世尊恕我愚真用信惡言興毒害意幸賴慈化乞原罪咎飯食之中悉皆著毒願待須臾更炊飯食佛言便持飯來不須更設貪婬嗔恚愚痴邪見世之重毒吾無此毒毒已滅盡毒不害我申日下食香徹十方申日啓言佛大慈悲愍念衆生濟我塗炭佛告申日能自覺悟重罪必除吾當為汝廣宣道義令汝心解廣說無

量法言八解四諦三脫六度深道法要微妙之行解三界空諸法因緣造為罪福觀病選藥如應說法申日情悟心開疑解

### 佛化無惱

賢愚因緣經云舍衛國有輔相子名曰無惱雄壯有力能敵千人父令就婆羅門學師即教言七日之中斬千人首而取一指以為鬘飾梵天來迎定生梵天無惱受教持刀走外見人便殺人皆號為央掘魔羅周行殺害到七日身方得九百九十九指哇少三指人皆藏竄無敢行者遍行求覓更不能得七日之中



其母持食躬往見遙見母走趣欲殺母言汝何懷逆  
欲害於我兒言我受師教要七日中滿得子指生於  
梵天日數已滿唯少一指欲殺於母時佛化作沙門  
行於彼邊無惱見已捨母速至佛見其來徐行捨去  
無惱極力走不能及便遙喚言沙門少住佛遙答言  
我常自住但汝不住無惱復問云何汝住我不住耶  
佛言我諸根寂定而得自在汝從邪師稟受邪教變  
易汝心不得定住晝夜殺害造無邊罪無惱聞已心  
意開悟投佛出家

降伏六師

賢愚因緣經云佛在王舍城竹園中與千二百五十  
比丘俱時泐沙王已得初果信敬之心倍加隆厚國  
有六師富蘭那等先於其國邪見倒說誑惑萬民迷  
冥之徒信服邪教衆類廣布惡黨遍滿時王有弟敬  
奉六師信惑邪倒謂其有道竭家之財供給無乏兄  
王泐沙殷勤方便勸令奉佛弟執邪理不從王勸弟  
白兄王我自有師更不奉佛遣入往喚六師皆來聚  
集共議斯事六師悉集各共議言我等技能不減於  
佛卽詣王所自說智能神化靈術與佛試之王領六  
師往詣佛所白言六師欲得捕術唯願世尊奪其神



力化伏邪惡時佛昇座帝釋侍左梵王侍右國王大臣萬衆圍繞佛徐伸臂以手接座卽有五大神王摧滅挽世六師之身金剛密迹捉金剛杵杵頭出火舉擬六師六師驚怖奔突而走六師徒衆求哀懺悔爲佛弟子願成沙門

### 持劍害佛

寶藏經云佛在拘彌國有輔相婆羅門爲人狂暴不以道其婦邪諂亦復無異夫語婦言瞿曇沙門在此國界若其來者閉門莫開於一日中如來忽然在其屋中婆羅門婦見已默然都不與語佛便說言汝

婆羅門愚痴邪見不信三寶婦聞此語懷大嗔恚自絕瓔珞著垢膩衣在地而坐夫從外來問言何以爾也答曰瞿曇沙門罵辱於我作如是言汝婆羅門邪見不信夫言且待明日明日開門以待佛來於後日中佛出現其家婆羅門卽捉利劍而斫於佛佛現神通不能得著見佛在虛空中便自慚愧五體投地而白佛言唯願世尊下來受我懺悔佛卽下來受其懺悔爲說法要夫婦俱得須陀洹道時諸人民聞佛降化如是惡人各作是言世尊出世甚奇甚特佛告諸人言非但今日降化如是惡人過去之時亦曾調伏



降化如是惡人

### 佛救尼捷

雜寶藏經云佛在舍衛國爾時如來降化外道邪見六師及其眷屬悉使破盡五百尼捷子作是念言我等徒眾都破散盡不如燒身畢就後世卽集柴薪便欲燒身如來大悲欲拔彼苦使火不然佛在其邊入火光三昧諸尼捷子見大火聚心生歡喜而作是言我等不須然火皆共投身既到火聚身體清涼極大快樂見佛在中倍復慶悅求欲出家佛爲說法得阿羅漢鬚髮已落法服在身卽成沙門佛告諸比丘言

昔有商王入海採寶順風而往卽往寶所諸商人衆貪取珍寶滿載船中商王告言莫重著寶喪汝身命時諸商人丕聽其言寧共寶死不肯減却商王卽以自船中寶投棄海中上諸商人著已船上見諸寶船裝載極重盡皆沉沒海中唯商王船救諸商人俱得還家爾時商王深生悲愍救諸商人吾今方便種種說法度諸外道

### 初建戒壇

戒壇圖經云佛在祇樹給孤獨園院中樓至菩薩請佛立戒壇爲結戒受戒爾時如來依言許已創立三



應化錄  
佛院門東名佛為比丘結戒壇佛院門西佛為比丘尼結戒壇外院東門南置僧為比丘受戒壇戒壇從地而立三重為相以表三空為入佛法初門散釋凡惑非空不遣時天帝釋施以覆金置於壇上以盛舍利大梵王施無價寶珠置覆金上供養舍利是為五重表五分法身大梵王所施寶珠大如五升甕有大福德者見之光照八百由旬薄福德者見之猶如墨聚壇既成已于時十方諸佛無量菩薩天龍八部悉皆雲集諸佛登之共議結戒輕重持犯等相又議度尼威正法相諸佛通議曰古有四部今何獨無初

雖正法滅半尼行八敬還任千年故此二壇唯佛所登共量佛事外院僧受戒壇僧為比丘比丘尼優婆塞優婆夷受戒壇也

### 敷宣具戒法

梵網經云爾時盧舍那佛坐千葉蓮花上放大光明告千花臺上釋迦佛說心地中金剛寶戒是佛本源菩薩佛性種子一切衆生皆有佛性爾時釋迦牟尼佛初成正覺已初結菩薩波羅提木叉應當孝順父母師僧三寶孝順至道之法孝名為戒亦名制止佛即放無量光明為諸大衆說一切諸佛大乘戒佛告



諸菩薩言汝等一切發心菩薩大衆諸佛子應當受  
持佛子諦聽若受佛戒者國王王子百官宰相比丘  
比丘尼十八梵天六欲天子庶民黃門媼男媼女奴  
婢八部鬼神金剛神畜生乃至變化人但解法師語  
盡受得戒佛子有十種無盡藏戒第一不殺生第二  
不盜財物第三不邪媼第四不妄語第五不飲酒第  
六不說在家出家人過失第七不得自贊毀他第八  
不得慳吝財物第九不得嗔心第十不得邪見旁三  
寶應當敬心奉持

姨母求度

中本起經云佛入迦維羅衛國姨母大愛道卽至佛  
所自言我聞女人精進可得沙門四道願得受佛法  
律出家爲道佛言且止以女人入我法律服法衣者  
當盡壽清淨修行梵行姨母求哀至三佛不肯聽立  
於門外歔歔悲啼阿難遂問伯母伯母答言不得出  
家以自悲傷阿難言且自寬意待我自佛佛言止止  
阿難復言伯母多有善意佛初生時乃自育養至于  
長大佛言於我有恩我生七日而母終亡自養育我  
至于長大今我於天下爲佛亦多有恩德於姨母但  
由我故得歸依佛法僧受持禁戒不殺盜媼妄飲酒



佛言假使女人欲作沙門有八敬法不得踰越當以  
盡壽學而行之審能持此八敬法者聽為沙門阿難  
便為伯母說佛教勅姨母唯諾佛告阿難若以女人  
作沙門使我正法五百歲衰微所以者何女人有五  
處不能得作故耳

度跋陀女

本行經云爾時世尊聽其女人出家大迦葉以天眼  
觀跋陀羅迦卑梨耶女在波離波闍迦外道之處出  
家學道即令有神通比丘尼往彼女人之所告言汝  
夫迦葉與我同師出家學道修行梵行汝今亦可往

詣彼所修行梵行跋陀羅女問比丘尼言汝師何等  
答言我師釋迦牟尼佛三十二相八十種好十八不  
共佛法十力四無所畏大慈大悲戒定慧解脫知見  
皆悉具足及諸弟子亦復如是跋陀羅女言若如是  
者我當隨去比丘尼共跋陀羅女乘神通力如屈伸  
臂頃即至佛所頂禮佛足自言世尊聽我出家世尊  
告摩訶波闍波提言此女聽令出家授具足戒跋陀  
羅女出家不久至空閑處獨自安靜遠離諸濁勤苦  
行心身不放逸思惟而住修行梵行現得見法自得  
神通得安樂住口自唱言生死已斷梵行已立所作



已辦不受後有

再還本國

寶積經云佛住迦毗羅衛國尼居陀林告優陀夷汝可入城報於父王優陀夷以神通力飛空往詣淨飯王所時王遙見問言大師何來答言我為如來乞食而至王曰汝可速還佛所將食奉佛我今亦當往見世尊世尊食已先現瑞相時淨飯王見瑞相已勅諸臣言速辦好乘香花幡蓋往詣佛所爾時世尊為度王故過於人上在虛空中自在游行大梵天王釋提桓因須夜摩天兜率陀天化樂天王他化自在天王

各各執持香花幢幡供養如來四天王天三十三天諸天子等在虛空中散天香花供養如來時淨飯王見已心生希有而作是言如來作童子時不以四天下轉輪聖王生於顧戀今於三千大千世界中為大法王統領人天富貴自在今此世尊為正法王我今於此為人圍遶世尊乃有天人侍衛時淨飯王不覺頭面著地禮世尊足

為王說法

寶積經云爾時世尊告父王言我所說法初善中善後善其義深遠其味亦善淳淨無雜清白無染顯說



梵行法一一分別解說所謂六界地界水火風空識  
界六觸入眼耳鼻舌身意識境界若緣順境生於愛  
心緣於違境則生嗔恚於中庸境生愚惑心行於順  
色生於貪欲行於違色則起恚怒行於中庸起於無  
明如是三事起貪嗔痴因貪嗔痴墮四惡處輪轉生  
死無解脫期大王如是作業果報皆不失壞無有作  
業者無有受報者但隨世俗故有非第一義大王當  
知一切諸法皆悉空寂一切諸法空者是空解脫門  
空無空相名無相解脫門若無於相則無願求名無  
願解脫門一切法皆具三解脫門與空共行涅槃先

道遠離於相遠離願求究竟涅槃界決定如法界周  
遍虛空際當知諸根如幻境界如夢佛說是法時淨  
飯王等得無生忍

### 佛留影像

觀佛三昧經云爾時淨飯王白佛言世尊佛是我子  
吾是佛父今我在世見佛色身但見其外不見其內  
悉達在宮相師皆見三十二相今者成佛光明益顯  
適踰昔日百千萬倍佛涅槃後末世衆生當云何觀  
佛身色相好知佛光明惟願世尊今當爲我亦爲衆  
生分別演說爾時世尊入遍色身三昧從三昧起有



五色光從佛口出照父王頂及于精舍遍娑婆世界  
還從頂入爾時世尊欲令大眾見佛色身了了分明  
佛化精舍如白玉山高妙大小如須彌山百千龕窟  
於衆龕窟影現諸像與佛無異時佛前地有大蓮花  
其花千葉葉有于光光于化佛佛于弟子以爲待者  
佛告父王佛滅度後佛諸弟子若能割損諸事捐棄  
諸惡繫念思惟佛常光者佛不現在亦名見佛以見  
佛故一切諸惡皆得消滅隨其所願於未來世當成  
三種菩提之道

度諸釋種

觀佛三昧經云爾時五百釋子白佛言我等恒見佛  
身猶如炭人我等宿世有何罪各惟願佛白爲我解  
脫佛告諸釋子過去有佛名毘婆尸如來有長者名  
日月德有五百子聰明多智廣知世間一切文藝星  
宿曆數無不貫練其父長子信敬佛法常爲諸子說  
觀佛心亦說十二因緣諸子聞已疑惑不信言父老  
耄爲諸沙門之所誑惑我諸書籍都無是義父今何  
處求覓得此時諸子忽遇重病父觀諸子命不支父  
謂言汝等邪見不信正法今無常刀割切汝身汝心  
煩悶爲何所怙有佛名毘婆尸汝可稱之諸子稱南



無佛諸子命終得生天上因稱佛名同生此處因汝  
邪見不得聞法汝今隨順佛語懺悔諸罪心眼得開  
見佛聞法自父王言我等今日欲於佛法出家學道  
父王告言汝自白佛俱白佛言我等俱欲出家佛言  
善來比丘卽成沙門

### 降伏毒龍

觀佛三昧經云如來到那乾訶羅國羅刹穴中有五  
羅刹化作龍女與毒龍通龍復降雹羅刹亂行饑饉  
疾疫已歷四年時王驚怖召諸呪師令呪毒龍羅刹  
氣盛咒術不行時王卽詣佛所請佛降之佛受請已

勅舍利弗目犍連徒衆五百化百千龍蟠身爲座龍  
口吐火化成金臺七寶牀座爾時世尊頂放金光無  
數化佛滿虛空中爾時龍王見世尊來父子徒衆十  
六大龍興大雲雷震吼雷電眼口吐火五羅刹女現  
醜惡形眼如制電住立佛前時龍王子見虛空佛白  
父言父王吐火欲害一佛試看空中有無數佛時金  
剛神手把大杵杵頭出火燒惡龍身龍王驚怖走入  
佛影佛影清涼如甘露洒龍大歡喜爲佛作禮五羅  
刹女亦禮如來爾時如來猶如慈母撫子爾時龍王  
及五羅刹女并十六龍子五體投地求受佛戒佛爲



說三歸五戒之法  
化諸婦女  
觀佛三昧經云舍衛城中多有婦女媚誘男子經一宿者輸金錢二百國有長者名如閻達積財百億有子名華德兄弟三人游蕩無度競奔娼舍始初一往各輸金錢一月終一藏金盡長者案行見藏已空問守藏者典藏自言華德二人日日持錢往娼女舍長者即詣王前白言大王有諸娼女誘我諸子破盡家財王語長者汝甚大富金藏猶盡况餘凡下寧不困耶長者自王惟願大王速誅惡人王告長者吾受

佛戒猶不傷蟻况復殺人如來在世一切皆化同往佛所啟白此事願佛化之佛告大王可遣旃陀羅與諸婦女集議論場王擊金鼓宣令勅國內臣民俱集論場佛勅千二百五十比丘各隨定意現大神通大迦葉舍利弗目犍連迦旃延憍陳如等各作十八變神通踊身處空飛行化現娼女見已皆發信心受三歸依及五戒法

阿難索乳

乳光佛經云維耶離國有梵志名摩耶利其家豪富不信佛法但修異道佛遣阿難至摩耶利家求索牛



乳梵志思惟我若不與謂我憐惜卽當指授與弊惡  
特牛冷阿難自取使牛舐殺阿難折辱其道摩耶利  
使兒引至牛所誠言慎莫爲取試看阿難能得乳否  
阿難卽到牛傍思自念言我師誠勅不得手自取牛  
乳時初利天帝下來化作年少梵志住在牛傍阿難  
謂梵志言請爲我取牛乳梵志卽持應器至牛所牛  
靜住不敢復動隨意而取阿難取乳歡喜而去梵志  
言此牛極惡人不得近今日何故柔善乃爾瞿曇弟  
子尚能如此何況佛之威神梵志歡喜信解佛法阿  
難持乳上佛佛卽受之告阿難言此牛前世不信佛

法隨此牛中經十六劫今聞佛名隨入取乳奉上於  
佛用此因緣當得解脫却後命盡終不墮三惡道最  
後作佛號乳光如來

### 調伏醉象

法句經云調達與阿闍世王共議毀佛王勅國人  
不得奉佛佛與五百羅漢住崛山中調達至王所自言  
佛諸弟子今已迸散尚有五百弟子在佛左右願王  
明日請佛入城可飲五百大象使醉令蹋殺之五當  
作佛教化世間王聞歡喜卽往請佛佛知其謀荅言  
大善王退而廻還報調達明日食時佛與羅漢共入



城門醉象皆叫而前塘揆墻壁屋宇悉皆破壞一城  
戰慄五百羅漢飛在虛空獨有阿難在邊醉象齊頭  
逕來趣佛佛舉五指化五師子同聲俱吼震動天地  
醉象伏地不敢舉頭象解垂淚悔過王及臣民莫不  
驚肅世尊徐行至王殿上與諸羅漢食訖呪願王自  
佛言稟性不明信彼讒言興造逆惡願垂大慈恕我  
迷愚佛告阿闍世王及諸大臣世有八事興長誹謗  
皆曰名舉以致大罪何等爲八利衰毀譽稱譏苦樂  
自古至今豈不爲惑

張弓害佛

雜寶藏經云佛在王舍城提婆達多心常懷惡欲害  
世尊乃雇五百善射婆羅門使持硬弓利箭藏隱樹  
林候世尊過詣世尊所獲弓射佛所射之箭化成拘  
物頭花分陀利花波頭摩花優鉢羅花五百婆羅門  
見是神變皆大怖畏卽捨弓箭禮佛懺悔胡跪合掌  
佛爲說法心開意解皆得須陀洹道復白佛言願聽  
我等出家佛言善來比丘剷除鬚髮法服著身卽成  
沙門重爲說法得阿羅漢道諸比丘白佛言世尊提  
婆達多常欲害佛然佛恒生大慈佛言非但今日昔  
有商主名不識恩入海採寶而還到迴流處遇水羅



剎而捉其船不能得前有一大龜心生慈愍來向船  
所負載船人即得至岸時龜上岸歇息略無不識恩  
者持刀欲殺諸商人言我等蒙龜濟難活命殺之不  
祥不識恩曰我復饑急不問爾恩即殺龜而食不識  
恩者提婆達多是也

### 佛化盧志

經律異相云首波羅城有長者名盧志奉事尼捷我  
欲度之至彼城邑尼捷聞我欲至彼城念言瞿曇若  
至此者此諸人民便當捨我不復供給告盧至言沙  
門瞿曇今欲來此然彼沙門委棄父母東西馳走所

至之處能令土地五穀不登人民饑饉死亡者衆盧  
至聞已即懷怖畏白言大師當欲何計尼捷荅言瞿  
曇性好叢林清水城外設有宜應斬伐流泉池井填  
以是穢各嚴器仗預當防護彼設來者莫令得前我  
作種種術令彼迴還彼諸人民敬奉而行我於是時  
至彼城邑尋生憐愍慈心向之所有樹木還生如本  
河池井泉其水清淨盈滿其中生衆雜花彌覆其上  
變其城垣為紺琉璃城內人民悉得徹見門自開闢  
我及大衆無能制者所嚴器仗變成雜花盧至長者  
與其人民俱共相隨來至我所我即為說法要皆發



菩提之心感受戒法

貧公見佛

貧窮老公經云舍衛國有貧窮老公年一百歲扶杖而來求欲見佛釋梵侍門勅不通之老公大喚曰吾雖貧賤千載有幸今得值佛欲問罪福求離眾苦我聞世尊仁慈普逮萬物蒙賴莫不受恩是以遠來乞一示見佛語阿難可喚使前於是老公匍匐寸進而白佛言我生世不幸貧窮辛苦饑餓寒凍求死不得活無所賴人命至重不能自棄聞佛在世心獨歡喜晝夜發心願一奉顏向在門外久不得前計欲還去

氣力不堪進退無路但恐命絕穢汚聖門重增其罪不悟世尊已哀矜之得蒙前進不奪本願如此而死無復恨矣惟願速終畢罪後世願得垂恩施其上慧佛言人之受生生死因緣以多因緣致其罪根卿前世時生豪富家聰明智慧用此恣意輕凌於人聚積財物不肯布施故卿今日受此貧窮罪福報應亦如影響聞已作禮而去

老人出家

賢愚因緣經云王舍城有長者名尸利苾提其年百歲聞說出家功德無量便自思惟我今何不於佛法



中出家修道往到竹園問諸比丘佛世尊今何所在  
答言不在又問大師上足是誰比丘指舍利弗前  
自言聽我出家舍利弗視此老人三事皆缺不能學  
問坐禪助營眾事告言汝去汝老不得出家次向大  
迦葉優波離阿菟樓陀五百大阿羅漢等皆言年老  
不得出家還出竹園在立門外悲泣懊惱舉聲大哭  
世尊卽至其前放大光明相好端嚴佛問老人汝何  
故哭長者聞佛梵音心懷喜躍如子見父五體投地  
泣白佛言我獨何罪不聽出家佛言誰作是說年老  
不聽出家答言舍利弗等爾時世尊以大慈悲慰諭

長者汝莫愁憂苦惱我今當令汝得出家非舍利弗  
百劫脩福精勤苦行汝來隨我便隨佛後入禪精舍  
告大目連令與出家

### 醜女改容

百緣經云波斯匿王末利夫人生一女兒面貌極醜  
形不似人養育長大覓一貧窮豪族之子以爲其夫  
起造舍宅牢閉門戶內外七重王囑女夫汝若出外  
自執鎖鑰而自關閉勿令人見王出財物供給女婿  
授爲大臣與諸豪族共爲邑會月月更作設會之時  
夫婦共來共相歡樂諸在會者各將自婦共來赴會



唯彼大臣獨不將來衆人疑議彼人婦者或是端正  
或是極醜衆人勸酒令醉卧地解取鎖鑰令人開門  
觀者其婦彼女自責我種何罪幽閉暗室遙禮世尊  
願垂哀愍佛知其意卽到其家其女見佛求哀懺悔  
佛爲說法心開意解惡相醜形忽然端正身體端嚴  
猶如天女使人開門見其端正殊妙無比使人見已  
還將鎖鑰繫於本處其人還家見婦殊特問是何人  
答言汝婦其婦具以禮佛答云緣佛神德使我如是  
其夫同婦與王見佛

釋迦如來應化錄上三終



